

**Nwa' wvu bokaŋ botεte wvu  
Jon  
Fiεε fi nu ê Nwa' Jon wvu bokaŋ  
botεte wvun e**

Jon wvù teŋe εkolε kew le cee εkolε ke kentaashε ke bonyii bo mbee le, to saŋ ŋwa' we wvu bokaŋ botεte wvun fô wee mvu wvu fwe ê kentaashε ke bonyii bo mbee le ε diee nu Gayus. Wvú nu ε saŋ ε bense Gayus yî nfi wvù wvú nyaa ê bonyii bo mbee le. Wvú nu ε tefe ten Gayus le wvú eyenè ekumε wee mvu wvù bó to teŋe le Diotefes njefo wvú to tune keeyuw diεw ye le.

*Bikuu bi mwεεm e ê Nwa' wvun e*

1-4 Keŋkεwce

5-8 ε Jon bense Gayus

9-10 ε Jon lom gee di Diotefes e

11-12 ε Jon bense gee di Demitiyus e

13-15 Kemεse

<sup>1</sup> ε nu me wvù cee εkolε kentaashε ke bonyii bo mbee le. Me nsaanŋke ŋwa' wvun fô wo le Gayus wvù nsaa yεm shém. Me ŋkoonŋke naa wo yî keceey e.

*ε Jon bense Gayus*

<sup>2</sup> Nsaa yεm shém, me mbunlee le mwεεm mvunciim egene ntay ê keba kuw e, ε wo temyi yî nyam ye le ke no me ŋkee le wo temyi ê keyoy e.

<sup>3</sup> Me nto nu ε n'yuw njoŋ baay no boom bo bwee wesebeene le bomew to fεεε jan see ekumε no wo

leeme yî keceey e bô fitele fiuw ficii. E è nu naa keceey le wo bii keceey e.

<sup>4</sup> Ke fiεε fimew bvuu nu dvú fi nulo ege é me en'yuuke njon nfele keen'yuuke le boom bobem bii keceey e ke.

<sup>5</sup> Nsaa yεm shém, lemme di wo lemte fô boom bo bwee wesebeene le, efey mvunciim fô bô nu botolo le, nu ε wo lemte naa leη.

<sup>6</sup> Bó to nu ε see ê kentaashε ke bonyii bo mbee le ke jan ekumε keηkoηen kuw. E momtè ke fici boba bonyii ê je yî Nyo' shieele le nonen yî lene dibole.

<sup>7</sup> E keè le bó buy ekfuη ε è nu nje diee di Klistu le, ε bó baa etaale nfi mvu ê bonyii bô yaa nu bo Nyo' le ke.

<sup>8</sup> Nonen, beene keηke keetomtè boba bonyii, wvu le beene ε bó enù bonyii bô lemte yî fiεε le fimwaan ekumε keceey.

### *Ekumε Diotefes bô Demitiyus*

<sup>9</sup> Me nto nu ε nsan fiεε fô kentaashε ke bonyii bo mbee le kenen e, geenen ε Diotefes wvù kooηke keelewse ekole kew fwe, fanε yaa eyuw wee wvù è nu me le ke.

<sup>10</sup> Nonen, me nu ηke endioo ε nto, é me enjike fiεε fi wvú gee fin fokuse, no wvú ghane kunsene mvuηkunsen, jemyi díew yî befe ekumε me. No wvú gee nonen, wvú baa cim ffuu bô fifiε ke. Wvú tune ten keefiisene boom bo bwee wesebeene le, tune ten fo bonyii bô gomte keefiisene bó efiisenè. E bó dioo gomte keefiisen, é wvú mum kuη lo bó ê kentaashε ke bonyii bo mbee le ente.

<sup>11</sup> Nsaa yem shém, fo wo ebenenè fiεε fi befε κε. Ε benenè ε è nu fi jee. Wee wvù gee fiεε fi jee nu wee Nyo', ε wvù gee fi befε nu ε wvù baa kee wase Nyo' κε.

<sup>12</sup> Demitius nu flew wee ε bonyii bocii jemyi mwεεm mvù jee ekumε wvù, ε kenge kew kè jee jemyi ten ekumε wvù. Bese ten jemyi ekumε wvù. Ε wo kee lo le fiεε fi bese jemyi ekumε wvù nu keceεy.

### *Ngayma*

<sup>13</sup> Me mbεε ηκεηκε mwεεm nteen keensan ê wo, geenεn κε me ηkoonke keensan lo bô ete ke ηwa' le κε.

<sup>14</sup> Me n'yene le è shεke caan é me ento en'yen lo wo le, é bee wo ejemyi ε wee yene wee le ê jise.

<sup>15</sup> Nyεkeey enù fô wo le. Nsáa yesebeewo gayte wo le. Gayε nsáa yesebeewo le yicii wee mwaan mwaan bó le, enya ê me.

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e